

隨州志

地250.33

138

部三二

同治八年重修

五  
月  
廿  
五  
日

板藏文昌宮

隨州志卷四

山

馬氏稱隨地因山爲郡智謀之士多談漢東險阻如兵家詭伏竒計其說信然然鍾靈毓秀爲人文所自起況隨比有太白之拱峙南有大洪之環列層巒疊嶂突兀爭雄固必有竒人傑士懷珍抱璞以符喬岳之望者又不徒侈談險阻也

大洪山在西南百三十里一名大湖山水經注大洪山在隨郡之西南竟陵之東北盤碁所跨廣圓一百餘里峯

隨州志

卷四 山

一

曰懸鈎處平懸衆阜之中爲諸嶺之秀山下有石門夾鄣層峻巖高皆數百仞許入石門又得鍾乳穴穴上素崖壁立非人跡所及穴中多鍾乳凝膏下垂望齊冰雪微津細液滴瀝不斷幽穴潛遠行者不極窮深而穴內常有風勢火無能以經久故也瀨水出其陰故亦謂瀨山晉宋間羣蠻藉阻攻伐恒難柳元景宗慤諸人克之唐有緇徒號曰慈忍禪師結廬於此頗著靈異文宗朝賜其居額曰幽濟禪院後爲竒峰寺宋元之際鄉人避兵者率保聚此山元初卽以西南之黃仙洞爲州治焉



明一統志載有龍鬪崖明聖水硫磺池仙人洞斷足崖  
鶴子山佛兒嶺諸勝龍鬪崖爲兩峰相對處懸崖千仞  
岓嶠相向其下五里許爲大湖俗傳湖本在山上中有  
二龍龍鬪而崖崩崖崩而湖落故其下爲落湖村此傳  
之者妄也斯山重巖疊嶂盤鬱一方懸泉注壑落石橫  
谿積而爲湖乃自然之理居民緣湖聚落卽謂之落湖  
邨崖下有千尋澗飛淙下注謂之劍口一云澗口京山  
趙如鼎洪山記曰重巖倒影溪澗礪礪遠望山腰素練  
若霏卽指此也澗水來自白龍池池在奇峰寺西下數

里平懸一峰卽酈氏所云懸鉤處也今俗譌名喚狗山  
山半澄澈百頃如鼎曰南池乃白龍所居中通江海曩  
人犍爲牂牁夜郎募棟橈榭悉沈之青衣嘉陵諸江  
涌出池澳且海魚鱗鱗游泳水涘每大風有澎湃之聲  
起江豚海豨出沒其間亦嘗浮敗舶有蒼梧番禺字但  
不詳入蜀募材爲何時事舊志載安陸鄭獬嘗夢身化  
爲龍浴於斯池醒猶自見其尾於牀上故談圃言獬是  
龍精獬宋皇祐五年進士第一人池水溢出下逕龍鬪  
崖又曲折逕洪山寺卽奇峰下院也寺前爲大湖湖水

平波數十頃舊傳湖有龍神宋張商英十方院記云鄉人張武陵因旱具羊豕將禱於湖慈忍禪師止之卽自入山披榛捫石至北巖間冥坐默禱霖雨果至池水自湖南流十餘里至劍口南出爲富水又有黑龍池在山之南懸崖萬仞下爲蛇山池在其下爲均水源池上有石梁石柱上刻永和六年字自劍口南行十里爲水磨坪黃仙洞在焉洞中平曠可容數百戶洞口徑丈餘卽元初所置州治地明末避流賊亂來居者猶多如鼎洪山物產記曰是時寇盜南奔江漢汝墳之民竄匿山谷

隨州志

卷四 山

三

饑無菅草米屑如珠死者逾遼駘藉過於黃巢之亂而山蹠男女繞澗麓提長鑱掘黃獨支石釜煮澤瀉存活萬計皆山靈之賑卹也又曰洞中有石窟藏古鏡錠音

廣韻豆有足曰鏡無足曰錠

欲篝火尋之時聞風浪聲飛大蝙蝠拂

人火不得藝酈氏所云穴內嘗有風勢是也其地與鍾祥縣接界自澗口而上路極嶮峻十餘里曰馬驥嶺度嶺而上爲一天門一天門而上爲靈峯寺卽竒峯寺寺在寶珠峯頂境極竒曠寺中有泉爲明聖水亦曰黃龍池幽泉感沸寺僧承以竹篋引入香積前代避兵者萬

衆爭縞不涸如鼎靈異記曰三龍湫在頂爲長黃龍所  
潛聞寺中經聲佛咒蜿蜒變幻如小蠹魚或狀亂蠶蠋  
學蜥蜴升入瓶鉢充暘得一滴矯矯揚鬢屑雨四布歸  
蟠蟻泥林木不振水旱愆違三湫是禱山頂有三鐵釜  
釜大數圍色幹古黝相傳釜口所向處其歲必豐寺有  
雜花臺爲牧蛇禪師拜禮華嚴處其下祖塔宋報恩禪  
師所葬也塔後修竹數十竿挺生石上別賦貞骨經數  
百年不凋其南一峯曰鐘鼓樓其北曰捨身崖謂之洪  
山三峯懸鉤處在三峯之西捨身崖者舊志載張老從

慈忍禪師入山修道化去其妻來尋不獲遂自投崖下  
人見其乘白雲升天去張老疑是張武陵此亦浮屠誇  
誕之辭也自懸鉤西北出路皆峭嶮幾二十里始漸平  
坦爲五里坪曲折幽邃有上中下三坪自上坪西入三  
里峽行數里有仙人洞洞極幽深中有石牀石枕昔知  
州王納言篝火而進行數十里莫窮其底又有穿洞在  
山西北中通一竅僅容人行徑通長崗店疑卽酈氏所  
謂石門也靈濟巖爲慈忍禪師初至入定處飛磴千級  
深穴窈然疑卽酈氏所謂鍾乳穴也其上有幽濟禪院

其東五里許爲猪龍陂盤石突出相傳龍神聽慈忍講法處也陂上有藏經塔藏經及舍利子宋嘉祐中建東十里爲斷足崖元黃潛崇甯寺記云慈忍以太和元年五月二十九密語龍神吾前以身代牲輟汝血食今捨身餉汝汝可享吾肉卽引刀自截左右足白液旁流儼然人滅居人函其雙足而藏之肉色不壞故其地曰斷足巖又東十餘里爲鶴子山俗稱巒頭砦如鼎謂自斷足巖至鶴子山恒見火燼埵竈乃前朝寨柵遺蹟羣巒東走斷而復起爲佛兒嶺亦名佛二嶺上有望洪寺西

隨州志

卷四 山

五

望大洪竒峯霞舉萬木陰屯積雪耀白山東西五十餘里南北四十里四面陡絕其中林巒聳異巖壑抱幽扶輿盤薄鬱極而流爲郢復羣山之發脈登高而望大陽大猿諸峯若拱而揖焉

按黑龍池在山之東北誤載於南黃仙洞在山之西南誤繫於東南劍口之下馬駿嶺在山之北誤繫於劍口之上石梁石柱在山頂鐘樓峯之東誤列於黑龍池幽濟禪院卽山上靈峯寺舊額訛叙於靈濟巖大戴紫山在西一百五十里俗名寨子山其西毗連一山

名小戴紫山

天橋山在西一百五十里迤邐漸峻層巒隱秀下有娥皇洞小瀨水所出俗傳舜妃娥皇居此蓋因州有歷山而附會也潭水澄碧入者緣崖行數十步入小石門道路平坦境甚軒敞人玉皇閣有天生石龕石蓮花石觀音像皆極自然不假人力自玉皇閣入其徑漸狹幽深不測山左有石墻遺址

藥山在西七十里俗傳張子房採藥於此

明中觀山在西七十五里山半爲了角寺曲徑盤旋實爲

隨州志

卷四 山

六

西入荆宜隘道

大浪山在西七十里層巒疊嶺勢如湧浪一名龍泉山

殷張山在西一百二十里

賽武當山在西一百四十里山上出無灰木石

望湖山在西一百五十里以山頂可望郢城湖得名

魁峯山在西一百里四面壁立俗名魁頭山

嵩山在西八十里澗潭店之東舊名空山山不甚峻而峯

巒秀逸了然中峙南北諸山相環拱有類於嵩嶽故名山有寺舊志謂崧山寺寺前石坡平廣名石臺峭臨水



測水名溼潭實湏水經流潭上盤石徑丈許有巨人足跡相傳仙人垂釣處

龍井山在西七十里上有龍井在大浪山之西麓

清涼山在西四十里安居店盤折幽邃形家言山脈自棗陽唐子山來歷迴龍馬鞍至湏水北結此山山下爲長慶寺宋元祐初僧長慶建湏水襟其前澆水繞其右大洪諸嶺北面朝拱嵐翠獻媚別成異景其西北支峯介然自立離頂數武有抑姑巷博極幽竒今遺址猶存

花山在西南一百一十里舊傳靈濟祖師過此百草皆花

隨州志

卷四 山

七

山色潑翠香氣勃然

黃崖山在西南一百里

延褒山在西南八十五里

十九山在西南九十里其山綿亘一十九里蓋自大洪山蜿蜒起伏至此始平

土山在西南七十里水經注均水逕土山北卽此山也其南爲漳水所出梁於此置龍巢縣又置土州隋改土山縣

湏山在西南七十里山川俱爲湏鄉亦因之

寨子山在西南七十里下有龍泉

卓劍山在西南三十里孤峯巉削插入雲表宛如卓劍

龍居山在西南三十里舊傳隋文帝微時居此詳後古蹟

銅管山在西南三十里舊傳產銅昔人卽山鼓鑄山下遺

有銅管半沒土中其色深黝無欸識

倒捲山在南一百三十里上隆而下銳如捲簾云

金雞山在南八十里

夾牛嶺在南一百里

金線嶺在南七十里有小徑迢遞直通頂上土色皆黃遠

隨州志

卷四 山

八

望如金

鉤跡嶺在南七十里此紀南李信純事見搜神記俗譌作

狗跡云慈忍禪師露宿此嶺不知野火至師嘗以犬從

犬入港冒水滅火今嶺上尙存遺跡非也

青林山在南百里舊志云山木蒼翠故名頂有石垣元末

兵亂平林明玉珍率鄉人結屯相保於此當卽其遺寨

也

大猿山在南七十里山勢峭拔一名大狐山顏氏漢東志

謂張衡南都賦天封大狐卽指此然考水經注大胡山

在泚陽縣東北廣圓六十里張衡天封大胡是也泚陽  
卽今泌陽縣去此四百里大胡之不在州境明甚今俗  
稱巫山其南有紫山山下有紫溪卽浪水上流故舊亦  
稱浪水發源大猿山也

落石山在南七十里其西有聚石山

善光山在南七十里本名仙城山李白文集所謂紫陽先  
生八歲經仙城山者此也山有滴水巖馬驥嶺白牛池  
響石堂諸境其東有澗山陂舊志謂之現光山德安府  
志稱爲隋帝女仙城氏修靜於此然不詳帝女何人考

隨州志

卷四山

九

隋書列女傳煬帝女南陽公主適宇文氏國亡後出家  
爲尼然不聞以仙城稱亦不言在隋舊志於紫石橋下  
載隋侯女修行有鴉爲引道虎爲開山之語當卽一人  
事而傳聞互異耳山或以帝女得名或帝女指山爲氏  
未可知也 按善光寺建於周天和三年

府君山在南七十里卽善光支峯府君之名不知何始林  
巒秀峽石逕盤紆溪繞山迴境極幽勝下有雲罩寺舊  
傳僧了靈始建了靈不知何代人康熙初僧道階募修  
學正王岱爲之記稱德安府守許廷試感夢助修爲山

靈示異然不詳雲罩何義舊志現光山下言昔楚昭王奔隨居此有雲罩其上今此山與現光基址相連寺名疑卽緣此而起

君子山在南七十里居人俗厚故名亦善光山支峯

靈泉山在南六十里山下有古寺額曰妙濟碑稱宋大明五年亦古蹟之僅存者

按南史沈慶之傳所謂五水嶺卽靈泉山

蜂子山在南五十里其石似蜂窠

按蜂子山卽楓梓山出燧石

隨州志

卷四

山

十

慈山在南五十里

辰山在南四十里其最高處曰青龍嶺能興雲雨山後有白雲寺宋乾德五年建舊名黃雲寺右有普同塔後繞古松數百株蔚然蒼翠

大宿山在南四十里

玉山在南四十里山巖峻嶮多白石上有古寺寺中有風洞

三爪山俗名鷹爪山在南三十里何家店

高廟山在南二十里

驪龍山在南二十里

獨宗山在南十里形家言衆山皆高則卑者爲尊故稱獨

### 宗山

隨城山在南七里山勢自西而東雲巒層起翠嶂屏列綿亘十里許環城南面屹若崇墉故以隨城名水經注云澗水經隨縣南隨城山北者此也

礮山在東北二十里

紫城山在北三十里俗名指城山上有寺形家謂之少祖山爲州城脈所自來

隨州志

### 卷四 山

十一

鍾靈山在東北二十里

兩仙山在東北三十五里雙峯並竦舊志謂兩尖山高二里許其南有龍池禱雨輒應

龍鬪山在東北三十里兩巖相對漂水逕於其間謂之龍鬪口

風火山在東北四十五里

雷公山在東北四十里其上有古寨遺址泉源二泓山半有洞曰雷公洞

三清觀山在東北五十五里爲州龍來脈出風火山至指

城寺

三鐘山在東北五十里有三阜狀如覆鐘

屯子山在東北九十里

大義山在東北九十里傑峙平地其上有仙人石

按大義山在古義鄉地澗水所導源水南逕屬鄉周環百餘里民居其間貧富共相取足有義風故名

鴨山在東北百里高五里許前有寨名鴨山寨宋史孟宗政破元將完顏賽不於隨州鴨兒山擒其妻弟王醜漢卽其地也西北有古寺嶺高七里許又有雞冠塚西有

隨州志

卷四 山

十一

玉皇頂卽添水河所出也高皆與寺嶺相等埒

甌蓬山在東北一百十里峯勢突兀山半有巨石跨澗水名會仙橋

碁盤山在東北一百二十里山勢孤峙爲列山右障頂上圓坦有古石垣遺址

列山在東北一百二十里黃連村炎帝神農氏所生也峯巒隱秀壑洞幽藏天然靈境荊州記云山中有一穴父老相傳神農所生今謂之神農洞天上建神農廟有碑明知州范欽立山北有水卽水經注所稱賜水也水北

爲殷家店地卽古厲鄉所謂九井及神農宅當在其地  
神農後世稱烈山氏禮記祭法篇亦稱厲山氏卽周時  
厲國明知州王納言指此爲神農所生以州北四十里  
之厲山店爲古厲國固意擬之辭要之西自潑水東北  
至黃蓮村皆古厲國境也

崢嶸山在東北一百二十里高十里許

二眉山在東北一百二十里朱家店形若列眉故以爲名  
其下楓香坳有水出焉南流入馬平塔

塔汝山在東北一百二十里塔兒灣西有龜山蛇山

隨州志

卷四 山

十三

鸚鵡山在東北一百三十里五代志上明縣下有鸚鵡山  
卽此峯巒截薛峻峙一隅廣圓四十餘里漂水所導源  
也上有石廟廟外有池曰天池歲旱禱雨輒應

胭脂山在東北一百三十里

徐家山在東北一百四十里

螺螄山在東北一百四十里上名鄉其山盤旋若螺形巖  
徑嶮峻下爲漂水所出西逕厲鄉當卽古賜水則此山  
當卽水經注之大紫山也

石女山在東北八十里石如女子狀

福祿山在東北一百四十里

九山在東北一百五十里九峯森列故有九名

按九山一名韭山產山韭移種家圃成豐本焉

立石山在東北一百四十里王子城西山有巨石介然特立高可五六丈其下削若懸針旁有兩小石左右撐拄中正不倚故稱立石山又謂之端正石安陸教授胡景旦刻其上曰中天柱石

蠻薦山在東北一百五十里

洞山在東北一百五十里俗稱佛子洞洞在山半其外有

隨州志

卷四 山

十四

金臺觀宋大觀九年建後北明叅將宋之彥重修之又建西來閣以爲遠眺之所與其子宗郊從子宗祁讀書其上今譌爲宋郊宋祁讀書處

紫荆山在東北一百六十里孤峯卓立翠聳雲霄舊多紫荆樹故以名山其西北有馬鞍山

雙峯山在東北一百六十里上有古寨曰雙峯寨蓋昔人屯戍處

九龍山在東北一百九十里水經注謂雞翅山九渡水所出也山勢蜿蜒東走連桐柏巖谷險奧道路狹隘



太乙山在東北一百九十五里山高十五里廣圓六十餘里上有玉皇閣翼以兩廊白石甃成不假磚木閣外列石爲八卦中有一井上覆巨石左真武殿右三官殿外石城周一千許步城內石上有仙人足跡城外有捨身巖巖高百餘丈上有大湖田小湖田田可種植其東澗水橫繞曰仙河冬夏不涸下流數里注白水巖之龍潭潭週三畝許深不見底歲旱禱雨輒應水復自潭湧出灌注巖間爲瀑布水巖高八九里遠望如白練聲聞十里許水經注九渡水云旂溪之東山有一水發自山椒

隨州志

卷四 山

十五

下數丈素湍直注頽波委壑可數百丈望之若霏幅練然巖下有禪室名東大寺西有西大寺東五里有卓筆峯高七八里天然秀削上有祖師殿俗稱祖師頂

鼓臺山在東北一百九十里上有擂鼓臺山麓有東西二寨舊傳鄉人結寨禦賊臺其鳴鼓驚眾處也

方城山在東北一百六十里外峻中坦可容數萬人以沿嶺有戍城舊蹟得名

馬放嶺在東北一百五十里舊傳方城山放馬所

白雲山在東北一百五十里聳入雲霄上有寺明成化間

童德建

厲山在州北四十里禮記祭法厲山氏之有天下也其子曰龍能殖百穀註厲山氏炎帝也起於厲山西漢志隨故厲國皇甫謐云今隨之厲鄉荊州記隨郡北界有厲鄉村神農生此

歷山在北六十里上有帝舜廟山半有舜田舜井西有耜山南有犁山坡坡下有龍陂堰傳舜耕於山下龍馮此堰爲之蓄水按歷山舜井之屬所在多有水經注謂在蒲坂周處風土記謂在上虞皇甫謐謂在歷城以瀦瀦

隨州志

卷四 山

共

証之則酈氏近是

廬泉山在北九十里山麓有池雖旱不涸荊州記云廬泉山石鹵潤牛馬經過貪其味甘不肯去亦作驢泉

獵弩山在北一百一十里劉家河西高九百餘丈怪石森立勢如跳躍懸巖飛瀑從空下注頂有古遺寨石址猶存其下有來安寺晏公類要獵弩山在隨州山有此獸昔人射之不中棄弩而去故名

佛山在北一百四十里高三百丈許上有佛山古寺寺後石巖壁立俗傳上有佛掌印

風山在北一百四十里峰高二百許丈聳峙雲際頂有風穴山下聞風聲輒雨

七峰山在北一百五十里許七峰聳秀戍削如筍離立雲霄俗謂之七尖峰山頂有黑龍潭山半有雲禪寺西南山下有黃龍潭歲旱每取水於潭則降雨上有黃龍寺中銅鑄諸佛天神像爲明僧大休卓錫地巖景幽秀如祖師頂靈官殿十八盤卡虎石猴子石大仙塚小仙塚天然竒異古松一株高十餘丈枝幹古拙低垂半面俗名爲順風旗數千年物也

隨州志

卷四 山

十七

固城山俗稱田王寨在北一百七十里太白山東南岌嶮千餘仞巖石欲墜上有寨垣遺址蓋昔人屯戍所也其東北有月兒巖挺立數千仞劃然開裂如半月形山上懸泉無數飛注巖間清響遠徹下流東南入瀲東北入淮水經注云山有水注流數丈洪濤灌山遂成巨井謂之石泉水北流注於淮卽此水也

按月兒嶺卽今田王寨在山西南五里許

迴道山與晃山相連山徑紆迴陟履艱阻行者輒致怨恨故亦稱懷惱山俗傳慈忍禪師過此苦其阻陟因以足

躡山頂頂爲之偏今石上猶留巨人跡

晃山亦名曠山在北一百八十里與太白山岡阜相連卽其支峯也山上怪石林立如人卧起如鳥獸飛走不可名狀山麓有延福禪院俗傳爲慈忍修道之所

按太白山在大河之東北與桐柏接壤淮水出焉晃山在新城界牌口大河以西北接迴道山南接石門山西連棗陽界舊志云晃山與太白山岡阜相連誤

太白山在北一百九十里卽古胎簪山也翼然雄峙峻極摩空蜿蜒百里北與桐柏大復諸山相聯屬瀲水導於

隨州志

卷四 山

十六

其南故水經注云瀲水出桐柏之陽也上有玉女卧龍紫霄翠微蓮花諸峰其入桐柏境者又有桃花洞鑼鼓洞層深疊秀遊者莫能窮其勝其上又有太平寺故亦名太平山東北十里曰胎簪峰有石斜插如簪最高處曰香爐峯離地數千仞俯視羣峰如兒在抱其下卽淮水所出也山海經云淮出餘山在朝陽東義鄉西今州境比實古之義鄉疑此山卽餘山也水經淮水出南陽平氏縣胎簪山注曰淮水潛流地下二十許里東出桐柏縣南陽府志桐柏縣大復山東接隨州西接棗陽淮

水出焉與此道里適合其西有界牌嶺

按太白山東北水爲淮源由桐柏出信陽西北水入平氏水至唐河入襄河其四面之水並無一流南入於瀲舊志云瀲水導於其南誤

冠子嶺在北一百九十里太白山東北界連桐柏地最險奧其下水南流爲合河

田上山在北一百七十里游水出其下其東南有田下山山頂有田可藝泉出巖間自爲灌溉又有筆架山在其西南

隨州志

卷四 山

九

按田下山在山之西筆架山在山之東從田下山石頂出者爲龍潭河山勢夾峙如門半腰有黑石洞每聞洞內聲沸則大風生西折里許爲豹子洞北接包公鼻再北爲馬鞍山

孫家砦在北一百五十里

古寺嶺在北一百二十里

按州脈發源於太白山經固城山孫家砦古寺嶺三清觀指城寺至城

石門山在北一百五十里兩巖夾峙如門溪水西流入門

中觸石鏗鎔如鐘磬驟鳴溪北有洞壘石爲橋而入洞  
方廣四丈許

快活嶺在北一百二十里

白水巖在北二百里絕高峻巖上有飛瀑白如懸練

月兒巖田王寨一孔如月山上有銅鑼弦不知何代所懸  
其高百丈人跡莫到

觀音巖在北一百三十里山頂有泉從石澗西壁流下遇  
水旱時誠禱輒應

四十里衝在州北一百六十里南北相距四十里兩邊皆

隨州志

卷四

山

三

山中爲衝

按四十里衝俗名罐兒口爲樹泌扼要之所中有接龍  
寺廟下古關丸泥可封咸豐間邑人陳昌齡等建朝斗  
關於寺後鎖鑰北門險峻陡絕林壑狹曲出奇制勝爲  
用武必爭之地南北二溪南流二十里至江頭店北流  
二十里至出山店故有四十里衝之名

香爐山在北八十里

赤石山在北三十里山石皆赤唐天寶間改名赫山

界牌山四龍山在北二百里接唐縣

界山在北一百四十里山有洞穴湖廣通志載明嘉靖中  
尙書顧璘秉火行數十里見石壁書云西南可行東北  
勿往遂出

迴龍山在西北一百二十里

馬鞍山在西北一百里

崙龍山在西北一百里峻嶺峙空連岡盤底上有祖師殿  
殿中有龍池寒泉澄冽四時不涸

孤山在西北五十里下有水曰孤港

觀音山在西北一百三十里山半有洞甚軒敞中有屋三

隨州志

卷四 山

三

間號巖菴不知何時建頂有流泉從洞西壁下注歲旱  
鄉人往禱取水歸輒雨號曰聖水

栲栳山在西北一百五十里高壓羣山廣圍五十里許衆  
峯環拱森若雉堞中有普濟寺爲明僧覺海開山地寺  
有碑沙門一峯撰稱山爲隨陽第一高峯神物所居實  
棲真之窟宅隱聖之幽鄉寺中古柏盤鬱疊石成橋自  
成聖域其東鑿石爲龕深廣如屋題曰五佛真容按碑  
亦有坐化真容然不詳爲何僧坐化處其左流泉瀉出  
繞寺而西歷衆峯間曲折十餘里至西北巖間爲水簾

下注聲如驟雨瑋瑋澗谷北流入棗陽界餘小泉無算  
其由東南出山者入澗水山又有洞曰魯班洞其上有  
魯班塔高六尺許苔痕黝綠如古彝器

田黃山在西北一百五十里舊傳有田黃二隱士居此山  
極峻西界棗陽縣

雞鳴山在西北一百六十里栲栳山東南高躋千丈其極  
頂曰雞冠塚上有真武殿清和宮左右有龍池虎洞伽  
藍殿其諸峯之最秀者曰文明曰香爐層巒疊翠離合  
雲煙彷彿匡廬面目山下卽澇水發源處

隨州志

卷四 山

三

石公山在西北一百三十里兩山夾澗南北並峙峯峻插  
天望之如人對立俗稱爲石公石姑

鐵山在西北一百二十里名曰白雲山高三百餘仞盤基  
四十里許下有七泉西流入澇水山下有漢留侯祠俗  
傳留侯曾採藥於此山半有石廣數丈其坳處容水數  
斗土人每於冬月觀其盈涸以卜水旱

獅子山在西北一百三十里山形如獅子上有巖巖寺因  
山結構高下殊觀寺東峭巖壁立清泉噴出下逕吳山  
三里峽入澇水寺後里許有神仙洞高廣數丈可穿而



過俗名馬家山

橫嶺山在西北一百三十里丁字店雙峯遙對中亘平巒環臨澁水舊志稱魏大統中於此置戟城郡橫山縣隋大業中廢入安貴縣山下有學堂均康熙初里人曾欽載拔木通道創立義學延師教授遠近來學者歲數十人今垣宇尙存

紫金山在西北九十里唐縣鎮北西臨澁水

華寶山在西北一百里其最高處曰華表峯左有虎洞右有蓮花石山頂有真武殿明嘉靖四年建

隨州志

卷四 山

三

松蓋山在西北九十里山多大松遠望如蓋

嶽陽山在西北一百一十里下有水晶溝其水常伏行出沒無時

梁黃山在西北百里

仙人山在西北五十里遠望如仙掌

吳山在西北一百三十里有東西兩山皆高七百許似若相拱揖兩山之間曰三里峽